



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Præfatio Ad Lectorem.

urn:nbn:de:hbz:466:1-13718

PRÆFATIO AD LECTOREM.



SCIENTIÆ aliæ & artes, Philosophiæ, Philosophiæ Theologia subseruit, eamq; ut Dominam & reginam, scientiarumq; gemmam ac Principem agnoscit. Iis ergo quæ ad rerum naturalium peruestigationem, Vniuersiq; structuram & fabricam spectant, in Philosophiâ expeditis, ad illorum quæ natura vim & cursum excedunt, altiorisq; ordinis sunt, consideratione erigendus animus, ampliusq; & spatiosus rerum Theologicarum campus percurrendus. Importuno itaque multorum rogatu, ut breuem & succinctum, qualem à plurimis expeti aiebant, cursum Theologicum conscriberem, eorum insuper, quibus fas non erat refragari, auctoritate accedente, animum tandem ad hoc opus adjeci, quod Theologia auditoribus non inutile futurum spero, & ipsis etiam fortasse Professoribus non ingratum.

Breuitati proinde (quantum per rerum varietatem & copiam licet, quas integer cursus Theologicus continet) studeo; constat namque posse in multis fusiozem sermonem contrahi, & verbis parci, ac multa paucis dici: quotidianâ siquidem compertum est experientiâ (ut virtus unita est fortior) strictum ac pressum dicendi genus vivaciùs in audientium vel legentium animos influere, movere efficacius, & firmiùs inharere. Duobus ergo tomis univversam Theologiam Scholasticam, seu quæ in scholis pralegi ut plurimum auditoribus solet, complectar, eodem tenore ac methodo cum Philosophiâ conscriptis. Quæ ab aliis, vel non omnino, vel non ita plenè disputata sunt, accuratiùs tracto; quæ fusius quàm res postulat, à nonnullis discussa video, brevius percurro, ne qua in re Lectori desim, & quidquam omitendo Theologiam mancã tradam, aut nimium quibusdam insistendo, superfluam.

Siquis in eadem mecum sententiâ conspiret, allatas ab eo rationes non impugno, sed promoveo potiùs, novisq; adjunctis probationibus firmare pro viribus ac stabilire enitor, ut majus inde conclusioni robur ac momentum accedat. Illa etenim quorundam nullo modo probanda mihi videtur consuetudo, qui dum eandem interdum cum aliis assertionem amplectuntur, ipsorum tamen rationes ut infirmas ac debiles rejiciunt, totòque conatu nituntur, ut eas nullius esse valoris ac ponderis ostendant, & ubi omnes rejecerint, suam tandem statuunt, multò iis, quas rejecerunt, frequenter infirmiore: & hoc pacto dubia omnia relinquunt & incerta, lectoriq; summam pariunt confusionem, & ut verbo dicam, quas ornare & perficere prætendunt, perditum eunt scientias. Accipe ergo hos labores, benevole Lector, qui si lucis tibi aliquid aut utilitatis attulerint, optatum me ex iis fructum percepisse gaudebo.

APPRO-